

ANEX 1. Uputstvo za popunjavanje Zahtjeva za izdavanje porezne kartice (Obrazac PK-1001)

- 1.1.** Obveznici poreza na dohodak iz člana 2, st. (3) i (4) Zakona koji imaju status rezidenta Federacije, a žele da ostvare pravo na osnovni lični odbitak i lične odbitke iz člana 24. st. (1) do (6) Zakona, tj. po osnovu izdržavanja članova uže porodice i po osnovu svog invaliditeta i invaliditeta članova porodice koje izdržavaju, moraju od Porezne uprave Federacije pribaviti svoju poreznu karticu.
- 1.2.** Zahtjev za izdavanje porezne kartice, u skladu sa odredbama člana 28. stav (1) Zakona, rezidentni obveznik poreza iz člana 2. stav (3) Zakona, podnosi organizacionoj jedinici Porezne uprave prema svom prebivalištu, a prema sjedištu svog poslodavca ako se radi o fizičkim licima koja prebivalište imaju na području Republike Srpske i/ili Brčko Distrikta, a status rezidenta Federacije stiču po osnovu radnog odnosa kod poslodavca koji ima sjedište na području Federacije BiH / član 2. stav (4) Zakona /.
- 1.3.** Prilikom popunjavanja Zahtjeva za izdavanje porezne kartice potrebno je prije svega oznakom "X" označiti jedno od tri polja ispod naziva i oznake obrasca, zavisno od toga:
 - Da li porezni obveznik prvi put podnosi Zahtjev za izdavanje porezne kartice;
 - Da li traži da mu Porezna uprava izda duplikat tj. novu poreznu karticu, jer je ranije pribavljenu poreznu karticu izgubio, ili mu je porezna kartica koju je imao ukradena ili uništena;
 - Da li se Zahtjev za izdavanje porezne kartice podnosi radi trajnog poništavanja porezne kartice zbog nemogućnosti njenog daljnjeg korištenja (smrt poreznog obveznika, trajno iseljavanje u druge zemlje, sticanje statusa nerezidenta, višegodišnje odsluženje zatvorske kazne i dr.) ili gubitka statusa rezidenta Federacije fizičkog lica koje ima prebivalište na području Republike Srpske i/ili Brčko Distrikta, a zbog prestanka radnog odnosa kod poslodavca sa sjedištem na području Federacije BiH.
- 1.4.** Obveznici poreza na dohodak iz člana 2, st. (3) i (4) Zakona koji imaju status rezidenta Federacije koji žele da ostvare pravo na osnovni lični odbitak i lične odbitke po osnovu izdržavanja članova uže porodice i po osnovu svog invaliditeta i invaliditeta članova porodice koje izdržavaju i koji su utvrđeni članom 24. st. (1) do (6) Zakona, moraju od Porezne uprave Federacije pribaviti svoju poreznu karticu.
- 1.5.** Svaki zaposlenik je dužan uz popunjenu i potpisani Zahtjev za izdavanje porezne kartice priložiti i ovjereno obavještenje o uvođenju u evidenciju prebivališta-boravišta (CIPS-ova prijavnica).
- 1.6.** Za izdržavane članove uže porodice, uz kućnu listu, potrebno je priložiti slijedeće dokumente:
 - 1.6.1.** Za izdržavanog bračnog druga: vjenčani list, potvrda od biroa za zapošljavanje (ako je prijavljen), potvrda o visini vlastitih mjesečnih prihoda ako ista iznose manje od 300,00 KM), ako nije prijavljen na birou odnosno ako nema vlastitih prihoda uvažava se potpisana izjava poreznog obveznika da su navedeni podaci tačni, ovjerena kod nadležnog organa. Ako bračni drug ostvaruje vlastite prihode veće od 300,00 KM mjesečno tada se isti ne može smatrati izdržanim članom uže porodice i njegovi podaci se ne unose u Zahtjev za izdavanje porezne kartice jer tada bračni drug mora popuniti i predati poslodavcu svoj Zahtjev za izdavanje porezne kartice.
 - 1.6.2.** Za izdržavano dijete, u smislu člana 24. stav (5) Zakona, do 15. godina starosti - rodni list koji može biti stariji od 6 mjeseci);
 - 1.6.3.** Za izdržavano dijete starije od 15. godina: rodni list (može biti stariji od 6 mjeseci) i potvrdu o redovnom školovanju;

1.6.4. Za izdržavano punoljetno dijete koje je završilo školovanje – dokaz da nije u radnom odnosu (potvrda biroa za zapošljavanje) odnosno da nemaju vlastite prihode veće od 300,00 KM mjesečno (izjava na Zahtjevu za izdavanje porezne kartice koju potpisuje porezni obveznik).

Napomena: Podaci o djeci koja imaju vlastite prihode veće od 300,00 KM mjesečno, kao i podaci o djeci koja ne žive u zajedničkom domaćinstvu sa poreznim obveznikom, ne unose se u Zahtjev za izdavanje porezne kartice. Faktori za izdržavanu djecu (0,5 , 0,7 i 0,9) računaju se samo za izdržavanu djecu prema redosljedu podataka unesenih u obrazac zahtjeva za izdavanje porezne kartice, a ne prema rođenju.

1.6.5. Za ostale izdržavane članove uže porodice, u smislu člana 24. stav (5) Zakona (roditelji poreznog obveznika, roditelji njegovog bračnog druga te preci i potomci u pravoj liniji koji žive u zajedničkom domaćinstvu – dokaz da žive u zajedničkom domaćinstvu (kućna lista), dokaz da nemaju vlastitih mjesečnih prihoda (izjava na Zahtjevu za izdavanje porezne kartice koju je potpisao porezni obveznik) odnosno da nemaju vlastitih prihoda većih od 300,00 KM mjesečno odnosno 3.600,00 godišnje (za penzionere ček od zadnje mjesečne penzije, za izdržavana lica koja primaju invalidninu ili drugu mjesečnu naknadu (zadnji ček o isplati, za izdržavana lica koja primaju alimentaciju - dokaz o visini alimentacije koju izdržavano lice prima od bivšeg bračnog druga i dr.)

1.6.6. Kod vanbračnih zajednica partner koji ostvaruje dohodak po osnovu nesamostalne djelatnosti može ostvariti pravo na lični odbitak po osnovu izdržavanja partnera koji nema vlastitih prihoda ili ima prihode manje od 300,00 KM mjesečno, ukoliko dostavi dokaz da sa tim partnerom živi u vanbračnoj zajednici najmanje tri godine.

1.6.7. Za poreznog obveznika koji plaća alimentaciju za izdržavanje bivšeg bračnog druga ili djeteta koje živi sa bivšim bračnim drugom ili kod porodice bivšeg bračnog druga - dokaz o visini alimentacije i dokaz da se alimentacija stvarno plaća.

1.7. Za invaliditet poreznog obveznika i invaliditet izdržavanih članova uže porodice – rješenje nadležnog organa kojim je utvrđeno tjelesno oštećenje i stepen invaliditeta.

<p>Dio 1 - Podaci o poreznom obvezniku</p>	<p>U svako polje upisuje se traženi podatak.</p> <p>U polje 4) – (JMB) za poreznog obveznika rezidenta Federacije iz člana 2. st. (3) i/ili (4) Zakona, a unosi se trinaestocifreni jedinstveni matični broj, a za poreznog obveznika – stranca sa statusom rezidenta u ovo polje unosi se broj koji dodjeljuje Porezna uprava nakon registracije tog stranog lica.</p> <p>U polje 5) (adresa prebivališta) upisuje se ulica i broj (prema CIPS-ovoj prijavnici).</p> <p>U polje 6) upisuje se općina na području koje se nalazi adresa prebivališta.</p> <p>U polje 7) unosi se datum rođenja poreznog obveznika – (na pr. 01. maj 1975.) upisuje se: 01 / 05 / 1975.</p> <p>U zavisnosti da li je podnosilac zahtjeva «zaposlen» ili «nezaposlen» staviti će oznaku “x” u odgovarajuće polje 11.</p>
<p>Dio 2 - Podaci o poslodavcu</p>	<p>Unosi se naziv i JIB / JMB poslodavca / isplatioca kod kojeg je podnosilac zahtjeva trenutno zaposlen, odnosno kojem će predati svoju poreznu karticu.</p>

	<p>Ukoliko podnositelj Zahtjeva nije u radnom odnosu ili u momentu podnošenja ovog zahtjeva obavlja neku od samostalnih djelatnosti, u odgovarajuće polje broj 11. stavit će oznaku "x".</p>
<p>Dio 3 – Podaci o izdržavanom bračnom drugu</p>	<p>Unose se podaci o bračnom drugu ako se isti, u smislu člana 24. st. 3. i 5. Zakona, može smatrati izdržavanim članom uže porodice. Ukoliko je iznos vlastitog mjesečnog prihoda bračnog druga veći od mjesečnog iznosa osnovnog ličnog odbitka (300,00 KM), bračni drug se ne smatra izdržavanim članom uže porodice te se u ovaj dio podaci ne unose odnosno sve kolone se označavaju sa "0".</p> <p>U kolonu c) unosi se iznos vlastitih prihoda bračnog druga, ukoliko je isti manji od iznosa osnovnog godišnjeg ličnog odbitka. U kolonu d) unosi se procent 100%, ako bračnog druga obveznik izdržava sam, a ukoliko istog izdržavaju dva ili više lica unosi se procent koji otpada na poreznog obveznika koji podnosi zahtjev za poreznu karticu. U kolonu e) unosi se pojedinačni koeficijent ličnog odbitka za izdržavanje bračnog druga "0,5".</p>
<p>Dio 4 – Podaci o izdržavanoj djeci</p>	<p>U ovom dijelu unose se podaci o djeci koja se, prema odredbama člana 24. st. 3. i 5. Zakona, mogu smatrati izdržavanim članovima uže porodice.</p> <p>Način popunjavanja kolona je isti kao u dijelu 4., s tom razlikom što se u kolonu a) uvijek unose podaci o izdržavanoj djeci po istom redoslijedu (od najstarijeg do najmlađeg).</p> <p>Za prvo ili jedino dijete koje obveznik sam izdržava, u kolonu d) unosi se procent 100%, a u kolonu e) pojedinačni faktor 0,5.</p> <p>Za drugo dijete pojedinačni faktor iznosi 0,7, za treće i svako daljnje dijete po 0,9. Ukoliko navedenu izdržavanu djecu izdržavaju oba roditelja u omjeru 50% – 50% ili u nekom drugom omjeru, tada se u kolonu d) podnosioca zahtjeva za izdavanje porezne kartice unosi procent izdržavanja tog djeteta koji se odnosi na podnosioca Zahtjeva, a u kolonu e) koeficijent koji odgovara tom udjelu u izdržavanju tog djeteta (na pr. ako je taj omjer 50% – 50% u kolonu e) kod prvog, najstarijeg djeteta iznosi 0,25, ako je taj omjer 30% – 70% koeficijent će biti 0,15, ako je omjer 75% – 25% koeficijent će biti 0,375 itd.)</p> <p>Kod udjela u izdržavanju drugog djeteta postupa se na isti način s tim što se koeficijent utvrđuje podjelom koeficijenta 0,7, a kod trećeg i svakog daljnjeg djeteta dijeli se koeficijent 0,9 u odgovarajućem omjeru iz kolone d).</p> <p>U ovaj dio Zahtjeva ne unose se podaci o djeci koja sa podnosiocem Zahtjeva žive u zajedničkom domaćinstvu, a koja imaju vlastite mjesečne prihode veće od 300,00 KM (na plaću, penziju, invalidske dodatke, alimentaciju i ili druga lična primanja), jer se u tom slučaju ta djeca ne smatraju izdržavanim članovima uže porodice.</p>
<p>Dio 5 – Podaci o ostalim izdržavanim članovima uže porodice</p>	<p>U ovaj dio unose se podaci o licima koja žive u zajedničkom domaćinstvu sa poreznim obveznikom, a koja se shodno odredbama člana 24. st. 3. i 5. Zakona mogu smatrati izdržavanim licima.</p>

	<p>Podaci se unose na isti način kao i u dijelu 4. i 5. s tom razlikom što se u posljednju kolonu za svakog izdržavanog člana uže porodice koje obveznik sam izdržava, unosi pojedinačni faktor 0,3.</p> <p>U koloni f) može se iskazati manji koeficijent od 0,3 a koji će odgovarati omjeru naznačenom u koloni e) ukoliko podnosilac zahtjeva za izdavanje porezne kartice sudjeluje u izdržavanju navedenog lica u naznačenom omjeru sa drugim licem koje živi sa podnosiocem u zajedničkom domaćinstvu.</p> <p>U ovom dijelu ne unose se podaci o članovima uže porodice koji imaju vlastite mjesečne prihode veće od mjesečnog iznosa osnovnog ličnog odbitka (300,00 KM), jer se u tom slučaju ne smatraju drugim izdržavanim članovima uže porodice.</p>
<p>Dio 6 – Podaci o izdržavanim licima za koja obveznik plaća alimentaciju</p>	<p>U ovaj dio unose se podaci o licima – srođnicima po pravoj liniji (dijete i/ili bivša supruga).</p> <p>Podnosilac Zahtjeva u ovom dijelu u kolonu f) unosi odgovarajući koeficijent 0,5 ako se radi o alimentaciji koju plaća bivšoj supruzi kao i za alimentaciju koju plaća za jedno dijete, odnosno koeficijent 0,7 ako se radi o alimentaciji koju plaća i za drugo dijete, odnosno koeficijent 0,9 ako se radi o alimentaciji koju plaća i za treće dijete itd.</p> <p>Napomena: Ukoliko bivša supruga sa kojom u zajedničkom domaćinstvu žive djeca iz braka sa licem koje za svoju djecu iz bivšeg braka plaća alimentaciju, i sama ostvaruje oporezivi dohodak od kojeg izdržava sebe i svoje članove uže porodice, u Zahtjevu za izdavanje porezne kartice, u dijelu 5. kao izdržavane članove uže porodice može navesti i djecu koja primaju alimentaciju samo ukoliko mjesečni iznos alimentacije po svakom djetetu nije veći od 300,00 KM odnosno ukoliko pored alimentacije djeca imaju i druge vlastite prihode koji zajedno sa alimentacijom ne iznose više od 300,00 KM mjesečno. Ukoliko je mjesečni iznos alimentacije, računajući i eventualne druge redovite mjesečne prihode djeteta, manji od 300,00 KM, tada se, shodno odredbama člana 24. stav 4. Zakona, lični odbitak za to dijete ravnomjerno raspoređuje u omjeru 50% – 50%, ukoliko se roditelji odnosno staratelji drugačije ne dogovore.</p>
<p>Dio 7 – Podaci o izdržavanim članovima uže porodice sa invaliditetom uključujući i poreznog obveznika</p>	<p>U ovaj dio unose se podaci o izdržavanim licima iz dijelova 3, 4., 5. i 6. kojima je od strane ovlaštene zdravstvene komisije utvrđena invalidnost, uključujući i poreznog obveznika – podnosioca zahtjeva.</p> <p>U kolonu e) za svako izdržavano lice sa invaliditetom unosi se koeficijent 0,3. Ukoliko se radi o izdržavanom članu uže porodice sa prijavljenim udjelom u izdržavanju naznačenom u odgovarajućoj koloni dijela 4, 5. i 6. ovog obrasca, koeficijent 0,3 se dijeli u iskazanom omjeru.</p> <p>U dijelove od 3. do 7. kolone a) unosi se trinaestocifreni jedinstveni matični broj izdržavanih lica, a za izdržavana lica – strance u ovu kolonu unosi se broj koji će dodijeliti Porezna uprava nakon registracije tih stranih lica.</p> <p>U drugi red ovog dijela unosi se podatak o datumu od kojeg se može primjenjivati ukupan koeficijent za utvrđivanje iznosa ličnog odbitka za koji se može poreznom obvezniku umanjivati tokom poreznog perioda osnovica za obračun mjesečnih akontacija poreza na</p>

	dohodak od nesamostalne djelatnosti kao i za utvrđivanje ukupnog godišnjeg iznosa ličnog odbitka po isteku poreznog perioda za koji se može umanjiti godišnja osnovica za obračun poreza na dohodak za protekli porezni period.
Dio 8 – Podaci o ukupnom koeficijentu ličnog odbitka i datumu važenja istog	U ovom dijelu u krajnju desnu kolonu / kolona e) / unosi se podatak o ukupnom koeficijentu ličnog odbitka koji ustvari čini zbir svih pojedinačnih koeficijenata iz krajnje desne kolone iz dijelova 3, 4, 5, 6. i 7. i koeficijenta osnovnog ličnog odbitka / 1,0 /
Dio 9 – Izjava poreznog obveznika	Potpis podnosioca Zahtjeva za izdavanje porezne kartice znači da su prema njegovom saznanju i vjerovanju podaci navedeni u Zahtjevu i priložena dokumentacija na osnovu koje su podaci uneseni, u cijelosti tačni i vjerodostojni.